

ԼՈՅՍ

Հ Ա Ն Գ Է Ս Ա Ձ Գ Ա Յ Ի Ն

Կը հրատարակուի Չորեքշաբթի եւ Շաբաթ օրերը: Տարեկան գինն է մեկ յիսուս օսմանեան: Մեկ բերքը 40 փարա արծաթ: Նամակ կամ ո եւ է գրութիւն պէտք է ուղղել Ա. Ս. Քափամաճեան կոստանդ. Գուպոյիս, Մերձան ջարդի Բիւզտի Էֆենտի խանի տակ Մ. Կ. Սարգեանի տպարանը:

ԻՆՆԵՐՈՐԴ ՏԱՐԻ ԹԻՒ 100

1880

ՉՈՐԵՔՇԱԲԹԻ 1 ՀՈԿՏԵՄԲԵՐ

Գ Ա Տ Ը — Գ Ի Ի Ղ

Անցած կիրակի գործով մը յիշեալ գիւղը դանուելով՝ անձամբ ակամատես եղայ այն շարժման և փութաջան գործունէութեան, զոր ցոյց կուտար Սովերոյ Գատը գիւղի Պատ. Մանախումբը:

Տեսնելու բան էր թէ որպիսի եռանդով կը վարէր սա իր ազգասիրական պաշտօնն և Գատը—գիւղցին ալ իւր սովատանջ եղբարցն օգնելու համար փոխադարձաբար որպիսի ազգասիրական սգի և զգացում ցոյց կուտար:

Ազգանուէր—Հայուհեաց ընկերութեան պատուարժան անդամուհիք ալ իրենց վսեմ նպատակն յառաջացնելու մասին այնպիսի փութաջանութիւն, եռանդ և անձնուիրութիւն ցոյց կուտան, ընդ որ կը հիանայ մարդ և կրօն իւրովի կանանց ազգասիրական գործունէութենէն պէտք է օրինակ առնեն անտարբերներն և զգան թէ հայրենեաց ծառայելու համար Հայն ի՞նչ ընել կը պարտի:

Գալով Գալստցասէր—Հայուհեաց ընկերութեան պատուարժան անդամուհիներուն տարած անձանձիր աշխատութեանն ու կատարեալ անձնուիրութեանը՝ զոր ի գործ կը դրնեն անդադար, և որք իրենց հանգիստը կը զոհեն, կրսեմ, չքնաղ հայրենասիրութեան գործնական դասը կաւանդեն:

Ներսէս վարժապետեանի անունն ասոնց մեծ մղում և քննալեր տուած է:

Տեսայ որ Տիկին Ճուսաբ տոմսակ ի ձեռին դռնէ դուռ պտտելով կը խօսէր, կը քարոզէր և նպաստ ու օգնութիւն կը խնդրէր:

Այլ ի՞նչ ըսեմ Սովերոյ Խեամուղ Կեդր. Յանձնախմբի անդամաց, որ գրեթէ վայրկեան մ'անգամ չեն զոհեր և գիշեր ու ցերեկ կաշխատին ու կը աքնին:

Ո՞վ չզգածուիր և չօրհնեւր ասոնց անունն, որ հայրենեաց ներկայ դժնդակ աղետն հալածելու, որով և Հայն Հայաստանի մէջ վերկելու համար ամեն զոհողութիւն յանձն առած են:

Կիւլպէնկեան, Ունճեան և Բարազամեան էֆէնտֆներու առանց տոկոսի մեծաքանակ փոխատուութիւնն արդէն յայտնի է :

Սակայն պէտք է ըսել թէ մեր ազգային մեծամեծ և բազմատեսակ պէտքերուն առջև այսքան գործունէութիւն բաւական չէ :

Շարժումն հարկ է ընդհանուր լինի և ամեն թաղ ու գաւառ ալ տարածի, որովհետև մասնաւոր ջանքերը բաւական չեն :

ժամանակ է որ ամեն Հայ շարժի, գործէ, աշխատի, ջանայ, սքնի և Գատը-գիւղցւոց ազնիւ օրինակին հետեի, և եթէ այս ալ բաւական չէ, թո՛ղ օրինակ առնու այն ժողովուրդներն, որ օր մ'առաջ մեզի պէս ընկճեալ, թշուառ և հալածեալ էին, սակայն այսօր փրկուած են :

Ի նչ ըրին և ի նչպէս փրկուեցան. — Կը հրաւիրենք անգամ մ'ալ աչքէ անցնել Հանդիսիս մէջ «Մեր Պէտքերը» վերնագրով յօդուածներն և այն Պուրկար կնոջ ազգասիրական զոհողութիւնն, որուն նկատմամբ ալ խօսած ենք, և ահա անգամ մ'ալ կը կըրկնենք թէ յիշեալ կինն՝ որ խեղճ սպասուհի մ'էր, ամսէ ամիս 60 զրշ կուտար իւր ազգին :

Իւրաքանչիւր Հայ ահա այսպէս յիշեալ Պուրկար կնոջ ազգասիրութեանն հետեի, որովհետև զործելու և անդադար գործելու և զոհողութիւն ընելու ժամանակ է :

Կարճ խօսք. — առանց զոհողութեան փրկութիւն չկայ :

Հ Ս Մ Ս Ր Ս Տ Ո Ւ Ռ Թ Ի Ի Ն

Այն ազգն ու ժողովուրդ, որ անդադար կը հսկէ իւր շահուցն ու իրաւանց անվըթար պահպանութեանը, կը նշանակէ թէ մեռեալ չէ, կենդանի է, կենդանութեան ամեն նշան ցոյց կուտայ, արթուն է և արթնութեամբ կը գործէ :

Արթնութիւնն ամեն պարագայի մէջ միշտ օգտակար է :

Օրինակ առնունք այն մասնաւոր անձինքըն, որ իրենց գործոցը վրայ իրենք կը հսկեն անձամբ ո՛րչափ ալ որ ամենահարուստ լինին և այսպէս ընելուն համար չեն սխալի երբէք, մասնաւոր որ մեծապէս կը շահին, որովհետև շահ կոչուած բանն ուշադրութեամբ հսկելով կրնայ պահպանուիլ :

Տեսէք մայրաքաղաքիս Եւրոպացի վաճառականներն ինչպէս կաշխատին և ո՛րպիսի փութաշանութեամբ կը հսկեն իրենց շահուցը :

Ինչպէս վաճառականութեան և ամեն տեսակ առևտուրի, նաև ազգային շահուց և իրանց պահպանութեան համար կենդանութիւն և արթնութիւն հարկաւոր է :

Տեսէք անգղիական ազգն ի նչպէս կը հսկէ իւր շահուցն ու իրաւանցը վրայ և ո՛րպիսի արթնութիւն ցոյց կուտայ :

Առանց երկրայութեան կրնանք ըսել թէ Անգղիական մեծ ազգին հսկայաքայլ յառաջադիմութեան շարժառիթը՝ բաց յայլոց՝ իր կենդանութիւնն ու արթնութիւնն է :

Խնդիրը միայն շահեր ունենալու վրայ չէ, այլ գանձք չվտանգելու և պահպանել գիտնալու եղանակներն ի գործ դնելուն մէջ է :

Մեք երբեմն ազգային կենդանութենէ և արթնութենէ զուրկ գտնուելուս պատճառաւ նիւթապէս և բարոյապէս շատ բան կորուսած ենք :

Արթուն և կենդանի է այն ժողովուրդն որ իր պարտքը կը կատարէ և իրաւունքը կը վայելէ :

Կենդանութենէ զուրկ ժողովուրդը միայն իր պարտքը կը կատարէ մեքենաբար և փոխադարձաբար իր իրաւունքը վայելելու մասին անտարբեր կը գտնուի :

Օրինաւոր իշխանութենէ բխած արդար օրինաց առջև մեքենաբար հնազանդելու

պարտականութիւնը կը հասկնանք . բայց արդար իրաւունքներ վայելելու մասին կուրութիւնն՝ որ ամեն պարագայի մէջ դատաւարտելի է , պէտք է զարնելով անցնիլ :

Վարչութիւններ կուգան ու կերթան , Պատրիարքներ ու Առաջնորդներ կը հաստատուին և կը հրաժարին , յանձնախումբեր կը դրուին ու կը լուծուին և վերջապէս քննիչներ կը զրկուին ու կը դառնան , բայց ատոնց պաշտօնին և դործողութեան համարն ե՛րբ առնուած է , ինչո՞ւ չառնուիր և ինչո՞ւ չառնուի :

Սահմանադրութեան հոգին համարառութիւնն է :

Ձեռք անոր մէջէն դայդ , և այն ատեն չենք դիտեր թէ ի՛նչ է Սահմանադրութիւնն և ի՛նչ նորա կարևորութիւնը :

Ազգաց և ժողովրդոց համար աշխարհի վրայ ամենէն գէշ բանն օրէնքներ ունենալ և զանոնք չդործադրելն է :

Հայուն այսօրուան արդար գանգաւաները սա եղբակացութեան մէջ կը բովանդակին , այն է թէ՛ օրէնքը ճշդիւ չդործադրելուն պատճառաւ իրաւունք , արդարութիւն , հաւասարութիւն՝ որով և ապահովութիւն գրեթէ չկայ և սոյն չդոյութեան հեռեանք եղած են ընդհանրապէս զեղծմունք , որ իրաց վիճակը ծանրացնելու միայն ծառայեցին :

Ինչո՞ւ ուրեմն չհեռեցինք մենք ալ քաղաքակրթեալ ազգաց օրինակին և ինչո՞ւ բազմատենք մեր վիճակը մենէ շատ վար գոնուողներուն հետ , որոց վայրենի և կամ կէս վայրենի անունը կուտայ քաղաքակրթեալ աշխարհը :

Գո՛նէ ես իմ մասիս չեմ՝ զիջանիր երբէք մեր ազգին վիճակն անոնց հետ բազդատել :

Ազգ մը իր յատուկ արժանապատուութիւնն ու ազգային հպարտութիւնը պէտք է որ ունենայ և հեռեալքար զայն պահպանէ

և մատաղ սերունդին մտայնը մէջ այս զգացումներն ալ զարթուցանելու հոգ տանի , և ինչպէս Գերմանացին Գերմանացի , Սեղփացին Անգղիացի , Գաղիացին Գաղիացի , Իտալացին Իտալացի , Բուսն Բուս , և Յոյն Յոյն ըլլալն իրեն փառք կը համարի , այսպէս և Հայն ալ Հայ ըլլալը պէտք է իրեն փառք համարի , նուաստացուցիչ պայմաններէ միշտ զգուշանալով և իր ազգային արժանապատուութիւնն ու հպարտութիւնն՝ ինչպէս նաև ազգային կենդանութեան բոլոր նշանները միշտ վառ և կենդանի պահելով իր սրտին մէջ :

Որպէս ըսինք , ազգային կենդանութեան առաջին նշան՝ համարառութիւնն ըլլալով՝ Ազգային ժողովն այս մասին իւր վեհապետութիւնն գլխի պարտեաց պէտք է որ ամեն պարագայի մէջ ի գործ դնելով՝ կենդանութեան առաջին օրինակն ինք ցոյց տայ և արդեամբ հաստատէ թէ Հայն արդարև ինքնավարութեան արժանի է :

Մեծ իրաւամբ կրնենք զայս , վասն զի այն ժողովուրդն որ գիտէ պաշտպանել իր ազգային շահերն ու իրաւունքները , կրնայ նաև ի հարկին աւանդաբար իրեն յանձնուած այլոց շահերն ու իրաւունքներն ալ պահպանել և փոխադարձաբար պաշտպանութիւն վայելել նիւթապէս և բարոյապէս :

(Յ-Զորդ Բ-1)

Ս.ԶԳ.Ս.ՅԻՆ ՏՆՂԵԿՈՒԹԻՒՆՔ

Ս.մեն. Խրիմեան Սրբազանէն նոր հեռագիր մը կը ծանուցանէ թէ Հէքքեարիի Քուրդեր Վանայ շրջակաները 13 դիւղօրէից վրայ յարձակեր և բազում աւար առեր են :

Խրիմեան Սրբազան Վանայ ղինուրական հրամանատարին ալ բողբելով՝ նորա օգնութիւնը խնդրեր է :

Վսեմ. հրամանատարը խոստացել է իւր օգնութիւնն , եթէ վսեմ. կուսակալը զօրայ

պարէնն ապահովէ . բայց յիշեալ հեռագիրը
յաւ ի սիրա կը յայանէ թէ սովուն պատճա.
ռաւ կուտակալը չէ կրցեր ապահովել :

— Բուսական լրագրաց մէջ նոր հրատա.
րակութիւն մը կը ծանուցանէ թէ Վանայ
չըջակայ գիւղօրէից Հայք վերջապէս ստիպ.
ուեր են իրենց վրայ յարձակում ընող վայ.
րադ ցեղերն հալածել : Բայց այսպիսի տեղե.
կութիւն մը Պատրիարքարան հասած չէ :

— Կրտսի թէ Հայ տիկիներէ և օրի.
որդներէ մանք Պ. Ճէյմս Պրայսի նուիրելու
համար խիստ գեղեցիկ և ընտիր ձեռագործ
մը կը պատրաստեն եղեր . որ՝ ըսուածին նա.
յելով՝ Եգիպտոս գործ մ'ըլլալ կը թուի :

— Ստոյգ աղբիւրէ կը տեղեկանամք թէ
Ազգային Ժողովէն քուէտրկուած վարչական
կազմակերպութեան նոր օրէնքը Մայր—Դի.
ւանին կողմանէ Ամեն. Ս. Պատրիարքին դեռ
չէ յանձնուէր :

Չեմք գիտեր թէ սոյն յապաղման պատ.
ճառն ի՞նչ է . սակայն ի՞նչ որ ալ լինի, պէտք
է անմիջապէս յանձնել ի գործադրութիւն .
որովհետեւ Ազգային ներքին խնդրոց ստի.
պուլութիւնն այն աստիճանի հասած է, որ
հարկ չը կայ բացատրելու թէ վայրկեանի մը
կորուստն անգամ խիստ շատ է :

— Պատր. Փոխանորդ Խօրատմեան Գեր.
Պօղոս վարդապետ՝ որ երկու շաբաթէ ՚ի վեր
իր հայրենի գիւղը կը գտնուէր, երէկ իրի.
կուն վերադարձաւ :

— Ազգային Ժողովն յառաջիկայ ուր.
բաթ նիստ ունի ՚ի Ղալաթիա :

Տէր .

Ընկերութեան նոր Գործ. Ժողովոյ կազմու.
թիւնը հիմնական կանոնագրի 20 բարդ յօդուածոյ
տրամադրութեան համեմատ Վահրամ Էֆէնտի
Մարգարեանի յանձնուած լինելով, նա ևս իւր
պաշտօնակիցները ընտրած՝ որք են .

Անդրանիկ Էֆէնտի	Շիշմանեան	Ատենադպիր
Աւետիս	» Թնկրեան	Գանձաւար
Մարտիրոս	» Սարափեան	Հաշուակալ
Յակոբ	» Մեղուսեան	Ռեսուսնակետ

և սրբիւնրը Երեսփոխանական Ժողովոյս յլած է .
որ սոյն վաւերացնելով՝ կը խնդրէ Չեր Մեծապատ.
ութենէն որ դուք ևս սոյն ընտրեալ անդամոց ցու.
ցալը ազգօգուտ թերթերնուդ միջոցաւ հրատարա.
կէք առ ի դիտութիւն համոյն ընկերաց և ընդունիք
մեր շնորհակալիքը :

Ի դիմաց Երեսփ. Ժողովոյ Խիզանի Ռես. ընկ.
Ատենադպիր Ատենապետ
Թ. ՊԷՆԿԼԵԱՆ Ռ. Թ. ՊԷՐՊԷՐԵԱՆ

24 սեպտ. 1880 Կ. Պոլիս

Տէր Խ. Բագիր .

Ա. Մ. Էֆէնտի Գարադաշեանի աշխատասիրած
և Գաւաֆեան տպարանէն նոր իւրոյ ելած 1880 ի
միահատոր Գաղարական և Բնական աշխարհագրու.
թեան դասագրքին յստիարակման մասին ԾԴ բարդ է.
րեսը Ազգային Ռեսուսնական Խորհրդոյ, դպրոցա.
կան ընկերութեանց նաև Ազգային շահույ նախան.
ձախնդիր ամեն Հայ անհատի ուշադրութիւնը կը հը.
րուիրեմք . . . :

Հաճեցէք Տէր, սոյն երկտողս Չեր Ազգօգուտ
թերթին ամենէ մօտակայ թուոյն մէջ հրատարակել
և ընդունիլ յարգանքս :

* * *

1880 սեպտ. 29. Կ. սոլիս
Օ. Թագիւղ

Զ Ո Ւ Ա Ր Ճ Ա Լ Ի Ք

Ա Ս Կ Է Ա Ն Կ Է

Տօթմար, տուած հասկերուդ մէջ օգուտ մը
չեմ տեսներ կոր . —

— Ներեցէ՛ք, սիրելիդ իմ հիւանդ, օգուտ
տեսնելու համար չէ, այլ կլկելու համար տուի ևս
սոյն հասկերը :

* * *

Աստուած համբերութիւն տայ , Գրիգորիկ աղա՛ հօրեղբայրնիդ . . . ձեզի օրեր . —

— Ահ , բարեկամ , այդ ի՛նչ սև լուր , այդ ի՛նչ դառն հարուած (ձեռքը վեր կը վերցնէ մայեքը փետտելու համար) .

Արդարև , սիրելիս , ի՛նչ օգուտ , ունայն աշխարհ : Բայց անդուակ լինելուն հարաբրութիւնը ձեզի կտակեց . . . տարեկան 1200 վրացի եկամուտ մը . —

— Պէտք չէ՞ր որ քեզնի որ ապրէր , վասնզի իմ սիրելի հօրեղբայրս . . . (ձեռքը վար կ'իջնայնէ բարեկամին ձեռքը սեղմելու համար) :

* *

Քա մարդ , ինձի նայէ :

— Ի՞նչ կը սրտաս , կնիկ .

Ինչո՞ւ չարտամ , գիւղին մէջ խաղբ խայտառակ ըրիր ինձի : Երեսօրեկան ըլլալէդ 'ի վեր Աղային Ժողովին մէջ բերան բացած չունիս եղեր . գունդ տունը ձայնդ հանէ որ պարէ Թաղեցիին քով բիշ շատ երես ունենամ . —

— Էյ ի՞նչ ընեմ .

Հիշ որ չէ նէ չօճօխիդ օրոր ըսէ որ բնանայ . արիշ ի՛նչ կրնաս ընել :

* *

Վարպետ , սա ի՛նչ կերակուր է . —

— Զուկեղն է , տիկին .

Առջի տուածդ ի՛նչ էր . —

— Զուկ .

Մէկ սեղանի վրայ երկու տեսակ ձկնեղն , սա ալ նօր հանեցիր . —

— Կարծեցի որ մուսաք , կրկին բերի , տիկին .

Տես սա ապուշը , ծօ ամեն մարդ քեզի սխտկարամիտ գիտցար . —

— Քաւ լիցի , տիկին , հապա քիչ մը առաջ «ան ձուկը մուսուկ եղաւ» կ'ըսէիք :

* *

Աւարտները սրի խնայեր են որ Հիստորիոսի աշակերտները մոռնան :

Այս կարգի բաղդտեսնդիր մը անցած գիշեր բռժըղի մը տուն կը մտնէ , կը մօտեկայ ասոր անկողնոյն , ասորձանակը քթին տակ կը դնէ և կ'ըսէ ըստ պատնալով : —

— Տօբթ մը , եթէ ձայն հանես , մեռար . . .

Մեծ սխալ , կ'ըսէ բժիշկը ամենայն պաղ արեամբ , եթէ ձայն հանեմ , նշան է որ չմեռայ :

ԼՈՒԹՅԻ

ՉԱԻՆՇՏԱԿԱՆ ԲՍԱՐԱՆ

ՊԻՏԻ . — Ըստ քերականից՝ մասնիկ է , որ բառերու սկիզբը դրուելով՝ ասորունի կը ցուցնէ . ուստի կ'ըսեն «պիտի տամ» . «պիտի տայի» զոր շատ կը գործածեն պարտատէրները , և ուսկայն անգուց պարտատարանները չեն համարուիր :

ՊԻՏԻ . — Նաև բայ է , որուն երրորդ դէմքը միայն կը գործածուի , և կը նշանակէ՝ պէտք է կամ պէտք կ'ըլլայ , զորօրինակ՝ բարեհորոգում պիտի :

Այս ձևը վճռական ըլլալուն մեծապատիւ Թուրք քաղաքները շատ չեն տխորժիր , բայց սիրտ չը կտարելու համար ալ կ'ըսեն , պիտի գործադրուի . . . եթէ Հայերը դա՛ լինին իրաց վիճակէն :

ԼՐԱԳՐԱԿԱՆ ԼՈՒԻՐԵՐ


Տէրութիւններն համաձայն են (վասն զի քերականութիւն գիտեն) տէրութիւններն համաձայն չեն (վասն զի քերականութիւն չը գիտեն) . ես ալ որովհետև քաղաք չեմ , այլ հանդէս եմ , կը նետեցնեմ թէ տէրութիւնները թէ համաձայն են և թէ համաձայն չեն այսինքն , թէ քերականութիւն գիտեն և թէ չը գիտեն :

Վագրթ կըսէ թէ Վէդիր խանի գինետան մէջ չորս գինով Հայերէն մէկը իր ընկերը զարկաւ :

Մեր քաղաքներն ալ երկրորդ օրը կիմանան թէ ատոնք Քուրդ են եղեր :

Ո՛րը ճշմարիտ է . — Հարկաւ Վագրթին դրածը , որովհետև ըստ Թէրճէմանը — Հագրագրութի՛ Քուրդերը էզբիայը էքրատ են :

Կրնա՞ս հաւատարութեան օրինակ մը ստու. —
 — Այո՞, դատարանաց վճարողները .
 Ի՞նչ են եղեր . —
 — Ասանց մէջ խղամներու անունին յով «ազատ»
 կամ «էֆէնտի» բաները կը դրուին . իսկ բրիտան
 նէից ալ միայն անունները :



Լրագրաց մէջ ի՞նչ կայ . —
 — Մասիս , Մանդուէ , Թէրմէման , Հայրենիք ,
 Փռնջ .
 Իմ հարցուցածս ադ չէ : Ի՞նչ տեղեկութիւն
 կայ . —
 — Բերոնակապ .
 Բերոնակապն ի՞նչ է . —
 — Լրագրաց բերնին շափը :

Կ Ե Ն Ս Ա Գ Ի Ր Ա Կ Ա Ն Ք
 Ն Ո Ւ Պ Ա Ր Փ Ա Շ Ա

Հայ ազգին այս պարծանքը , Եզիպտոսի նոր
 Յովսէփը , դարուս նշանաւոր հանճարներին մին՝
 Նուպար Նուպարեան ծնած է Համբրոսի քաղաքը
 (Իզմիր) :

Հատուկ բարեձև է . իսկ դէ՛մքը իւր մտաց
 հանճարոյն և պայմանց ճշգրիտ պատկերը կը ներ-
 կայցոյնէ , այնպէս որ կենդանագիրը տեսնողը կըսէ՝
 ահաւասիկ մեծ մարդ մը որ մեծ գաղափարներ ի-
 րականացնելու ատրեղութեան պաշտօնով յաշխարհ
 եկած է :

Տարիքն 56 է :
 Ինչ մօրն արգանդին մէջ եղած ատեն իր միտ-
 քը մեծ խնդիր մը լսածելու կըբաղէր , այսինքն՝ թէ
 մարդն ինչո՞ւ յաշխարհ կուգայ :

Միտքն երբ լսածեց այս խնդիրը , ալ չուզեց
 որ ընդհանուր կարմին հեանելով՝ դուրս ելլալու
 ժամանակին սարսէ . ուստի մէկէն ի մէկ դուրս
 յտակեց և ըստ՝ մարդն սարուկ ըլլալու համար ծը-
 նած չէ , այլ իր աշխատութեամբն երջանիկ ըլլա-
 լու համար :

Հետեւորար Համբրոսի Հայրենակիցը մինչև 44
 տարի Խզմիրի մէջ նախնական ուսմանց ընթացքն
 աւարտելէ ետե՛ս տեսնելով որ իր մտացն համար ա-
 ռատ անուեղ չկայ հոն՝ շունջն ուղղակի Ֆրանսայի

Սօրէզ քաղաքն անաւ և հետզհետէ՝ ուսու այն բա-
 ները՝ որ կը բարձրացնեն զմարդ իր հասարակ ա-
 տիճանէն :

Իրեն հարկաւոր եղածներն , այն է , Գաղ-
 Անդըլ Գերմ . մեթէմաթիք , երկրագործութիւն , օ-
 լինագիտութիւն , վտճառակամութիւն , քաղաքական
 տնտեսութիւն ևն : ինը տարուան մէջ ուսու :

Գրաէ նաև Արարերէն և Հայերէն ալ կը գրէ :
 Զինքը գիտցողները կըսեն թէ ուսմանքն հայր
 պէս կը կըէ եղեր , որովհետև իրեն սկզբունք ունե-
 ցեր է թէ մինչև որ մարդուս միտքը չը կշտանայ
 մարմինը չը յողենար :

20 տարեկան եղած ատենը Եզիպտոսի համրա-
 ւաւոր Իգրաւհիմ՝ փաշային հետ քարտուղարութեան
 պաշտօնով Մովսէսի Հայրենիքը գնաց և միտքը դը-
 րուս որ մօրն արգանդին մէջ լսածած խնդիրն իրա-
 կանացնէ , որովհետև տեսաւ թէ շինականն ազատ
 չէր անդ և որովհետև տեսաւ թէ արդարութեան
 նժարը պակաս կը կըէր :

Նուպար պէյ իր հանճարին շնորհին հետզհե-
 տէ յառաջ գնաց գրաւելով միանդամայն Փարա-
 ւաններու երկրին իշխանութիւնը փարոզ Խախիլին
 վտանգութիւնը , որով միայն պիտի համէր նպա-
 տակին իրականացմանը , որուն մէջ կորսնէր միայն
 իր ճշմարիտ փառքը :

Նուպար պէյ քանի մը տարիէն արտարին դուր-
 ծոց նախարարութեան պաշտօնին բարձրացաւ և վա-
 ճառակամութիւնն ու երկրագործութիւնը զարգաց-
 նելու համար այն ճիւղերուն հասար յատուկ պաշ-
 տօնէութիւն ալ հաստատեց , ինչպէս նաև հասա-
 րակային շինութեան պաշտօնէութիւնը՝ զորս առա-
 ջին անգամ ինք փարեց :

Նուպար պէյ մէկ կողմէ՝ քաղաքական խնդրոց
 հետ կըբաղէր , որովհետև համարուած էր որ երկիր
 մը ներքին բարեկարգութիւններով միայն կրնայ վե-
 րանորոգիլ , ներքինին ալ մեծ հոգ կը տանէր :

Եւ որովհետև բաջ գլուխէր թէ ամեն բանէ ա-
 ռաջ արդարութիւն պիտի է գործադրել , իր ու-
 չաբրութիւնը նախրեց գլխաւորաբար դատարանաց
 վերակազմութեանը :

Այս մեծ գործին իրականացմանն համար եր-
 կու մեծ դժուարութիւն կար : իր առջին , այսինքն
 Խախիլն համոզել և Երուպայուցոց հաւատացնել թէ
 Եզիպտոսի մէջ արդարութիւն գործադրելն անկարե-
 վի չէ :

Եզիպտոսի վերանորոգչին յղացող հանճարն այս

երևու մեծ դժուարութեանց ալ յաղթեց և յաջողեցաւ, Եգիպտոսէն Եւրոպա և Եւրասիայէն Եգիպտոս գրեթէ միշտ երթալ գալով:

Նուպար փաշա ինքզինք շատ շուտ ճանչցուց Եւրոպայի և կամ Եւրոպա գինքը ճանչցաւ:

Ինչպէս կանուանէ Յանչեան, Հայագգի դիւանադատաց աւագագոյնը կրցաւ բոլոր Եւրոպայի համակրական վատահոթիւնը դրաւելով՝ Պիգոնաֆիլիոսի բարեկամը, Պիգոնաբի մտերիմը կոչուիլ և Նարոզին Գ. ի օրով փայլիլ:

Նուպար փաշայի յառաջադիմութիւնը պէտք է գիտնալ թէ տարրինակ գաղտնիք մը չէ:

Սա իր սկզբանցը զաւանի է:

Իր սկզբունքներն են ծանր բայց ուժով քալել սկսածն հաստատանութեամբ շարունակել, ամեն միջոց նարտակին զսէլ, դժուարութեանց առջև չընկրկիլ, սցւոց վրայ շատ չը վատահիլ, և միայն իր վրայ վատահիլ, որովհետև կրաւորական դիրք ունենալ չը սիրէր երբէք:

Ասոր համար ոմանք գինքն հարարութեան անձնաւորութիւն կը համարին (հաւանականարար վէճութիւնն հարարութեան հետ շփոթելով):

Քանի որ մարդ իր «ես» ն ունի, անսխառնեփ չէ որ Նուպար փաշայի պէս մեծ հանձնար մ'ալ իր «ես» ը չունենայ, իր գործոցը վրայ չը փառաւորուի և չըսէ թէ «ես ալ Նուպար եմ»:

Այսպիսի զաւանութիւն մ'արդիւնք է վեհութեան, որով կը հասնի մարդ իր բարձրութեանը, որովհետև բարձրանալը մարդուս իրաւունքն է, որովհետև մարդը միայն մեծ է և որովհետև մեծ կոչուելը սահմանաւած:

Հեռեւարար Նուպար փաշայ ալ մեծ է իր գործերովն և սչ իր հարարութեամբը, ըստ որում հարժատութիւնը մեծութիւն չէ, բայց մեծ մարդ մը կրնայ հարուստ ըլլալ, ինչպէս որ Նուպար փաշայ ալ հարուստ է:

Սա իր խորագիտութեամբն ու անյողողոզ ջանիւրը դատարանայ վերակազմութեան մեծ գործն զաւ՝ Սուէիչի ջրանցքին շինութեան և բայման մեծ խնդիրն ալ յաջողցուց, բոլոր բանակցութիւններն ինք անձամբ կատարելով և անոր մէջ Եգիպտոսիան և վեհապետական շահերն սպաշովելով:

Ըստ Եւրոպայեոց վիպութեան՝ այն խնդրոցն կորդազրութեանը մէջ Նուպար փաշայի անունը մեծ տեղ մը կը բռնէ, այնպէս որ Եգիպտոս և Սուէիչ անուններն յիշող մէկն անկարելի է որ աւոր անունն ալ չը յիշէ, որովհետև նոր պատմու-

թիւնն այս երեք անունները կապած և միացուցած է, որովհետև իրմով բարձրացաւ Եգիպտոսի անունն Եւրոպայի առջև և իրմով մեծ նշանակութիւն ստացաւ:

Հին դատմութիւնը կ'ըսէ «Իսրայէլացի Յովսէփը ահագին սովէ մ'աղաւտեց Եգիպտոսն. իսկ նոր սրտամութիւնն ալ իրեն համար պիտի ըսէ հարկաւ թէ՛ Հայագգի Նուպարը Եգիպտոսը վերանորոգեց»:

Նուպար փաշայի հաստատած դատաստանական դրութիւնն իր արգիւնքը ցոյց առաւ. ընդհանուր վտահոթիւն սկսաւ յառաջ գալ և արդարութիւն գործադրիլ:

Անկախ դատարանը նախորդ Խաիվին դէմ ալ վճիռ տուաւ:

Անագան ուրեմն զգոց Ն. Բարձրութիւնն այդ եղածը, և ահա այս վայրկեանէն սկսաւ իր և Նուպար փաշայի միջև անհամաձայնութիւնը, որուն վրայ պաշտօնէ քաշուեցաւ այս վերջինը որ Եւրոպա գնաց:

Նուպար փաշա ատենէ մը ետքը դարձեալ Եգիպտոս կոչուեցաւ, և ինչպէս գիտեն ընթերցողք, աստ՛ից նախարար անուանեցաւ իր վրայ պահելով արդարութեան՝ վաճառակամութեան և երկրագործութեան նախարարութիւնը, բայց ութը ամիսն իր և Խաիվին միջև տատկացած անհամաձայնութեան պատճառաւ պարտաւորեցաւ հրաժարիլ:

Ասոր պարագաներն ընթերցողք քաջ գիտեն:

Նուպար փաշա անցաւ Եւրոպա, և ահա անկէ ետքը պատահեցան այն անցքերը, որ նոյնպէս պատմութեան մէջ մեծ տեղ մը կը բռնեն:

Իր բնաւորութիւնը ճշդիւ նկարագրած կըլլանք եթէ ըսենք թէ Նուպար փաշա միտքը դրածը կը կատարէ, որովհետև իր կամքը երկրորդեց է, որ չը ստանիլը երբէք:

Ներսէս Արթաշէտեանի ջանքովն հաստատեց Նուպար փաշա Հարէօյի Ա. Նուպար-Շահնազարեան վարժարանը, որ թէպէտ փակուած է այժմ, բայց յոյս կայ թէ իր շնորհիւր դարձեալ բացուի:

Ասոր յապարման պատճառ եղած են միայն կրից արգիւնք եղող այն անխորհարդ հրատարակութիւններն, որ Ն. Ասեմութեան մտացը մէջ կասկած գարթացին:

Ուտի հարկ է նախ այդ կասկածը փարատել:



ՀՐԱՏԱՐԱԿՈՒԹՅՈՒՆՔ ՄԻԱՅՆԱԼ ԸՆԿ. ՀԱՅՈՑ

ԳԵՂԱԳՐՈՒԹՅՈՒՆ ՀԱՅԿԱԿԱՆ

Դրո-րի-ն Յ-լ-է-է Վ-տ-ի-է-ն-ի

8 Տեարակի մէջ ամփոփուած

Հեղինակին բաղմնաշան աշխատութեամբ մեծ խնամքով և մաքուր վիճագրութեամբ պատրաստուած սոյն գեղագրութեան տես. բաղներու Ա և Բ ը արդէն հրատարակ եղած և միւսներն ալ մամլոյ տակ են :

Այս տեսակ օգտակար գործ մը՝ որ իւր տեսակին մէջ առաջին անգամ լոյս կը տեսնէ ազգային հաստատութեան մը ձեռօք, թէ դիւրուայց եղանակաւ, թէ գիրերու վա. յելչութեամբ, և թէ գնոյն աժանութեամբ բը՝ արժանի է որ ամեն ազգային վարժարա. նաց մէջ մուտ գանէ :

Իւրաքանչիւր տետրը կը բաղկանայ 24 էջէ, հատին գինն է 30 փարայ արծաթ. դպրոցաց և հարիւրէ աւելի առնողներու համար մասնաւոր զեղչ կը լուրի :

Կեդրոնատեղին է Միացեալ Ընկ. դրա. սենեակը, Ղալաթա Կէօչէ—օղլու խան թիւ 13, կը գտնուի ամեն Հայ դրաւաճառաց քով :

Հայոց Միացեալ Ընկերութեանց կնիքը չի կրող օրինակները անվաւեր են :

Նորայրի Գողգիերէն—Հայերէն բառա. բանին տասնուհինգերորդ թերթն հրատա. րակեցաւ, որոյ մէջ Այբ գիրն աւարտած է և Պէ կը սկսի : Այսուհետեւ ամէն շաբաթ օր կանոնաւոր կերպով կը հրատարակին թեր. թերն : Վաճառման գլխաւոր տեղին է Փը. րէնկեան դրաւաճառանոցը, Ուղուն չարչը, թիւ 362, որոնք որ կը փափաքին բաժանորդ գրուիլ մէկուկէս օսմանեան ոսկի կանխիկ վճարելով, կրնան դիմել Պ. Փրէնկեանի : Ի դիւրութիւն հասարակութեան թերթերը կը վաճառուին նաև Գալաֆեան և Ղուկաս. եան դրաւաճառաց քով, ինչպէս նաև Ար. շակ էֆէնտիի թղթավաճառանոցը ի Ղալա. թիա և Վայսի դրաւաճառանոցը ի մեծ փո. շոյն Բերայի :

Գին իւրաքանչիւր թերթին 60 փարայ արծաթ :

ԴԱՍՏԻԱՐԱԿՈՒԹՅՈՒՆ

ՀԱՅՈՑ

Գրէ

ՆԱԶԱՐ Յ. ԳՈՐՈՅՆԱՆՑ

Ահաւասիկ ընտիր երկասիրութիւն մը, որով Մեծ. հեղինակն իւր ողջամիտ գաղա. փարներով և մանրախոյզ հետազօտութիւն. ներով խիստ մեծ ծառայութիւն մը կը մա. տուցանէ ազգային ամենէն կենսական, այս է դաստիարակութեան խնդրոյն :

Սոյն գործը 100 մեծագիր երեսներէ բաղկացեալ է, և գեղեցիկ տպագրութեամբ Պարտիզպանեան տպարանէն ի լոյս ընծայուե. լով կը ծախուի Եէնի—ճամի Զիլինկիրէր ճատտէսի, թիւ 24. Ղուկասեան դրատունը :

Գին 5 զրշ.

Ա. Զ. Դ.

Կ. Պօլիս Մէրճանը Բիւշտի էֆէնտի խա. նին դիմացը նոր բացուած «Իտարէ Լօգան. թասը» ի ճաշարանապետը՝ որ Հայազգի մ'է, պատիւ ունի ծանուցանել արդոյ հասարա. կութեան թէ իւր ճաշարանը դիմող ամեն կարգի անձինք խիստ գոհ պիտի ըլլան թէ մաքուր և խնամով պատրաստուած կերա. կութեանքն և թէ անոնց աժանութեանքն :

Վերջապէս իւր յաճատորդները գոհ ը. նելու մասին ամեն կերպով ջանք և աշխա. տութիւն զրացած չէ :

Բաժանորդ ըլլողներու համար ալ մաս. նաւոր զեղչ կը լայ :

ԱՐՏՕՆԱՏԵՐ	ԻՄՐԱԳԻՐ
Հ. Ե. ԳԻՄԱՔՍԵԱՆ	Բ. ԳԱՓԱՄԱՃԵԱՆ
ՏՊԱԳՐՈՒԹՅՈՒՆ ՄԻԱՅՆԱԼ ՍԱՐԸՆԱՆ	
Մէրճան չարչի Բիւշտի էֆ. խանի տակ թիւ 20	